

VARIA J. N. J. F. 13.
DISSERTATIO HISTORICO-
POLITICA

De
CONVENIENTIA
Inter

DOGMA TANIC.
MACHIAVELLI

Et
VITAM OLIVERII
CROMVELLI

Protect. Angl.

CUJUS PARTICULARAM POSTERIOREM

Cum Consensu Ampliss. Facult. Philos. in
Regia Academia Aboensi

PRÆSIDE

VIRO CELEBERRIMO
Mag. ALGOTO SCARIN

Hist. & Moral Prof.

PRO GRADU

Publico bonorum examini D. V. submittit

S:æ R:æ M:tis Alumnus

JOHANNES E. FORSMAN.

131 Sudermannus,

Die XIX. Junii Anni MDCCXXIX. Loco & horis consuetis.

VIRO

Admodum Reverendo atque Praclarissimo

MAG. JOHANNI
STRICKER

Ad Ecclesiam Metropolitanam , qvæ
Stockholmiæ est , Coministro SENIO-
RI , PATRONO Venerabunda
mente æternum suspiciendo.

BEnigniorem istam fortunæ auram ,
quæ me diu multumque refocillavit , TIBI ,
P. D. M. ac Tuæ Familiæ Honestissimæ qvam maxi-
me debeo. In domum enim Clarissimi Viri , Ma-
gистri JOHANNIS POSSIETH , Soceri TUI
cum inter mortales esset indulgentissimi (Cujus , cum
orbe erudito , cineres æterna recordatione veneror)
ante sexennium receptus , non dicam liberalissimi
Nutritii , sed paterna prorsus cura ac benevolentia ,
inque multis solidissima informatione , filii instar ,
gavilus

gavissim⁹ sum ; futurumq⁹ existimarem , ut eodem
extincto omnis memet emergendi spes penitus de-
stitueret , nisi hæreditatem meæ sublevandæ sortis
ad TE pertinere voluisses , Tuoque in posterum
favore & TU A clientela non indignum judicasses.
Tantis vero *domus Honestissimæ TUA* Tuisque , VIR
Clarissime , non minoribus beneficiis devinctus nec
potui nec debui , qvīn dissertationem hanc Acade-
micam TUO Clarissimo dicarem Nomin⁹ . Levissi-
mam licet , benigne ut accipias submiss⁹ precor.
Neq⁹ aliud pietatis aut redhostimenti genus suppe-
tit , qvod TIBI offerre possim , præter vota ac
preces calidissimas , qvibus DEUM jugiter solicita-
bo , dignetur TE cum omnibus arctiori cognatio-
ne junctis omnigena felicitate beare & tam prom-
tum VESTRUM de me bene merendi studium
cumulate remunerari

Admodum Reverendi & Praclarissimi
NOMINIS TUI

Cultor Observantissimus

J. Forsman.

Civibus inter Stockholmenses maxime
conspicuis, Spectatissimæ integritatis ac fidei
VIRIS,

D:no TOBIÆ FÄHRMAN
Nutritio Aestumatissimo.

D:no PETRO BROMAN
Fautorि Certissimo.

D:no JAHANNI Jah. BERG.
Benefactori omni observantia colendo.

D:no PETRO EEK
Fautorи honoratissimo.

D:no PETRO HOLM
Nutritio olim propensissimo

Ob cumulum in se beneficiorum, Vo-
bis, PATRONI OPTIMI, paucissimas hasce linea-
las in signum grati animi & debiti obseqvii dicatas
voluit

Spectatissimorum NOMINUM VESTRORUM

Culcer perpetuus.
J. F.

D. D.

§. IX.

POstquam in antecedentibus obiter monstravimus Nic. Machiavellum & Oliv. Cromvellum ad communem scopum collimasse, e rest, ut circa artes eundem obtinendi ipsos quoque convenisse porro indicemus. Quemadmodum igitur Machiavellus de principe agere instituerat, sic quoque varios principatum acquirendi modos silentio neque præterire potuit. Et quemadmodum principatus vulgo habetur vel hæreditarius, vel non hæreditarius, ita duplēm potissimum modum eum aucupandi quoque dari agnoscit. In principatu hæreditario, neminem extra familiam principis ad imperii fasces admitti novimus, secus si fiat hæreditarius esse desinit. Ad

principatum autem non hæreditarium,
etiam privatum, vel propria virtute &
civium favore, vel scelerato ac nefario
modo, adjuvante fortuna, provehi-
re ētē monet & exemplis, in primis A-
gathoclis Siciliæ Tyranni, Machiavellus
comprobat. Favoris civium verbo dun-
taxat meminisse ipsi visum est, ut de
ceteris, imperium invadendi, artibus,
tanquam tyrannico dominatui magis
propriis, eo copiosior ipsi differendi fa-
cultas suppeteret. Supponit itaque vir-
tute ipsum in primis excellere, qui ex
privato, ut ita dicam, pulvere assur-
gere studet; quam tamen tantæ mo-
li movendæ vix sufficere putat, nisi
simul fortunæ studiosissime obediatur &
ejus occasionem etiam minimam probe
observet. Ut autem fortunam, quam
fœminæ assimilat, sibi familiarem red-
dat, fuste h. e. juvenili libidine & teme-
raria fiducia eam subagitari probat (a).
Sed quid ineptius & sanæ rationi ma-
gis contrarium a Machiavello unquam
profer-

proferri potuit? Etiam si concedendum,
 audaciam & præcipitantiam nonnun-
 quam circumspecta cautione feliciorem
 esse, & temere incepta prosperum ali-
 quando assequi eventum; quemadmo-
 dum de Alexandro Magno Curtius i-
 dem passim testatur & Ol. Cromvellus
 suo nos edocet exemplo; qui nisi præ-
 cipiti temeritatis suæ calcare despera-
 tam quodammodo fortunam circa Hul-
 lam, oppidum Eboracense incitare de-
 stinasset, eo cum perventum esset, ut
 arma capesserent rex & Parliamentum,
 vix unquam de sceptris Angliæ in poste-
 rum sibi gratulari potuisset. Attamen
 pietatis & prudentiæ cultoribus ubique
 hanc incedere viam, impium non mi-
 nus quam periculosum esse experientia
 olim docuit. Verum priusquam hæc
 uberius explicemus, cauſas funestissimæ
 inter regem Carolum & Parliamentum
 exagitatiæ dissencionis, quam tragica re-
 gis decollatio tandem in sequuta est, ab
 ipso fundamento ad Ol. Cromvelli tem-

pora repetere forsan juvabit, ut series rerum deinceps gestarum eo melius constet, quæ tum inter se, tum in relatione ad suas caussas nexus indissolubili impllicantur.

(a) Machiavell. Prince. Capp. 1.VI.VII.

§. X.

Fatales, quos magna Britannia superiori seculo passa est motus, (si primam originem quæras) communiter imputari solent duabus in Ecclesia factionibus, Presbyterianorum seu Puritanorum vulgo deinceps Whigs ; & Episcopaliū, qui & Semipapistæ, vulgo Torrys dicuntur. Horum nomina tempore Elisabethæ Angliæ reginæ primum audita sunt, præsertim cum multi a Maria papizante expulsi, postliminio in patriam reduces, reformationem ab Elisabetha suscep̄tā non in omnibus probarent: ritus & ceremonias quasdam, nec non Hierarchiam ægre ferrent & omnimodam cum Ecclesia Genevensi conformitatem urgerent. Quæ

displi-

displacentia in apertum schisma pri-
mum, mox odia mutua atque ani-
morum distractionem erupit. Et
licet Jacobus eo nomine VI. Scotorum
rex, qui Elisabethæ successit, convo-
cata Londini Synodo & publica inter
dissentientes disputatione indulta, li-
tem componere studeret; & an Episco-
patus retinendus vel secus sedulo inqui-
rere videretur, frustra tamen omnia e-
rant. Studia enim partium & odia dis-
sidentium indies augebantur, præterea-
que nihil; quoniam acerrimo zelo in
gratiam Regis qui Episcopis nimium
tavebat, non modo acriter disputatum,
sed postremo etiam Episcopis victoria
concessa fuit. Qua elati hi Non-Con-
formistas, Separatistas & Brouniistas
(ita enim nominabantur quotquot Sy-
nodi, id est Cleri actis subscribere re-
cusarunt) erroris arguere & ut regis &
monarchiæ infensissimos hostes palam
tradicere conabantur. Post Synodum
etiam Perthensem Anno 1616. celebra-

38
tam, in Scotia, qua multos annos ex-
ilarant Episcopi, fremente populo & re-
clamantibus multis ex ordinibus, rur-
sus restituti sunt, auctoritate regis Ja-
cobi, qui uniformitatem ecclesiæ, cum
unione & concordia regnum indiffo-
lubili nexu cohærere, urgebat. Exaspe-
rabantur adhuc vehementius partium
animi, cum Carolus I. conflatam ab
Episcopis Liturgiam gravissima in recu-
santes sancita poena, Scotis ubique re-
cipiendam imponeret & Puritanismum
penitus abolendum infausto omne ag-
grederetur. Quid è quod paulo ante
multos quoque ex ordine equestri bonis
ac possessionibus suis vi exuerat rex idem,
quas profligato papismo, ecclesiasticis, u-
tilissimo eorū quorū intererat, instituto &
consensu erectas, jam per aliquot lustra
majores suos secure & bona fide tenu-
isse sibique etiam innoxio hæreditatis
jure deberi posteri prætendebant. Qua-
propter Sacerdotibus per Scotiam tu-
multum ob novam Liturgiam concitan-
tibus

tibus junctas hi quoque dedere manus
& funestam regi moverunt seditionem.
Quæ quidem post biennium ad nutum
Scotorum composita fuit, remanente
nihilominus scomite omnium inseguen-
tium malorum. Horum præterea ma-
lorum etiam in causa fuisse diversa &
plane contraria Jacobi & Elisabethæ
statum conservandi principia breviter
& nervose probat Georg. Hornius.
„Principia, inquit, Elisabethæ duo fue-“
runt, I. Perpetuo defendere partem “
protestantium contra pontificios, “
II. Potentiam Hispanorum quibus-“
cunque posset modis debilitare & “
frangere. Hinc Francis, Belgis, Lusi-“
tanis perpetua contra Hispanos auxi-“
lia tulit. Hæc duo principia statim “
funditus evertit Jacobus, pace facta “
cum Hispano & Protestantibus cala-“
mo quidem, quod etiam privati pos-“
sunt, sed non gladio defensis. Hinc “
paullatim corruptio in aula & ipsa “
Anglorum gens per se bellicosa, desve-“
tudine “

„rudine armorum res novas cupere & affectare cœpit (a). Quod pluribus declarat Pufendorfius (b). Ut taceamus, quod multis persuasum sit, Anglos seditionum ac rerum novarum moliendorum, natura esse studiosissimos. Unde apud historicos Anglia passim audit seditionum, coniurationum & similiū quasi domicilium; civilique conspiratione XII. reges & ultra LXXX regiæ stirpis homines claros brevi tempore ibidem imperfectos apud Bodinum legimus (c). Quemadmodum diram immanitatem illam Maria Scotiæ regina morti adjudicata justo sarcasmo quoque perstrinxit (d). Carolus iterum non solum Elisabethæ, verum & Parentis Jacobi consiliis contraria moliebatur; cum ille, uti Pufendorfius; judicat (e) multo aliter ac pater in rem militarem affectus esset; prætereaque imperio populari vehementer infensus & sibi parum constans, ab uno extremo ad alterum faciles saltus faceret & Episcopaliū blan-

dimen-

dimentis ac intempestivis in Puritanos
querelis credulas nimium præberet au-
res, quin & Pontificios mitius quam Pu-
ritanos perpetuo haberet. Quo factum
est, ut malitiosorum consiliariorum
instinctu & jurisconsultorum quorun-
dam Papizantium responsis seductus
nova tributa & insolita vectigalia, pro
lubitu, imperaret, non convocato Par-
lamento, quod e diametro cum legibus
regni fundamentalibus pugnabat & lo-
cum suspicionibus ab utraque parte da-
bat. Tandem propter conflatum turbi-
dis hisce temporibus æs alienum, Sco-
torum rebellionem aliasque caussas,
summa necessitate adactus rex, Londini
Parlementum convocat, sed cum ejus
dissolvendi potestate satis imprudenter
se ipsum exueret, potentiam Parlamenti,
quam antea imminutam studuerat, in
suum exitium insigniter auxit. Cujus
cum regem sero pœnitentia facti, in-
dignabundus in Scotiam iter meditatur
intellex, Cumque eodem tempore re-

34
bellio Hibernorum erumperet, inde quoque profectio eadem adhuc amplius populum ab ipso alienavit. E Scotia quidem Londinum revertitur rex, sed videns populi affectionem multum imminutam mox abiit, & missa in Hollandiam regina, bellum moliri & armamentarium totius Angliae Hullæ reservatum intercipere frustra tentavit. Hinc rex, qui precarium saltem imperium, incaute licet aversabatur auctor omnium malorū habitus est, in quem subditi insurgere non verebantur; quemadmodū fusius hanc rem exponunt Pufendorfius, Hornius & Hubnerus, ad quos lectorum remittimus. Addat etiam, si placuerit, Observationes Strimesii ad publicas relationes Anni 1723. N:is 19. & 21. & Historiam Gothanam pag. 809. seq.

- (a) Horn. Orb. Imper. p. m. 214. (b) In Introd. ad Hist. p. 254. seq. (c) De Republ. Libr. II. Cap. 5.
(d) Vid. Cambden. Annal. Angl. A. 1586.
(e) Lib. Cit, p. 258.

§. XI.

Rex per Hothamum, Hullæ præfetum, aditu prohibitus, urbem tam gravi obsidione tenuit, ut oppidani rebus suis pene diffiderent. Tum vero Oliv. Cromveillus, qui se Parlamento commendatum, ejusque favore promotum cupiebat, memor dicti: *Audaces Fortuna juvat*, opportunum tempus aleas suæ sortis experiundi ratus est. Impertratis igitur a Parlamento duodecim equitibus, media nocte, instar avis castra regis feliciter pervolavit & ad muros recta tendit via. Ab Hothamo statim agnitus, cum commilitonibus, uno tantum amissso, intra mœnia summa lætitia excipitur. Cujus adventus efficit, ut, qui nuper dditionem meditabantur, ad urbem non modo pro virili defendendam Oliv. Cromvelli oratione permoti fuerint, sed excursiones insuper crebras in obsidentes felici cum successu paraverint & brevi regem ad solvendam obsidionem coegerint. Sic tem-

36
pori callidissime inserviens Cromvellus,
quam fortunæ & audaciæ debuit, ex-
peditione ista suis rebus magnopere con-
suluit & nomen famosissimum sibi com-
paravit, urbis enim liberator ipse solus
credebatur: Sic ad mentem Machia-
velli fuste fortunam ursit & subagitavit,
cohortique militari præ aliis præfici di-
gnissimus illico habitus fuit.

Conf. Mach. Princ. p. 215.

§. XII.

Hoc fortunæ afflatu exhilaratus Oliv.
Cromvellus magis magisque amore in
militum ambire & ardentiori studio mi-
litiam colere instituit: cum animo suo
procul dubio reputans, militum studio
plurimos, ad principatum feliciter eve-
ctos fuisse, ut fatetur ipse Machiavellus,
& exemplis comprobat Historia Roma-
na. Etenim qui militem sibi devinctum
habent, illi raro non solum periclitantur,
sed citius quidquid moliuntur
perficere renitentesque armis & vi
cogere valent. Idcirco etiam, secun-
dum

dum Machiavelli principia, principi, nefario modo, principatum invadenti necessum est e manu sua gladium nunquam deponere. Ad hanc Machiavellicam doctrinam, si militaria Ol. Cromvelli gesta examinentur, eadem haud dissimilia certe invenientur, & hujus hominis præcipuam tyrannidis vel adipiscendæ vel adeptæ salutem in armorum perpetuo exercitio collocatam fuisse apparebit. Erat ipse heroico ac interrito animo, gaudebat vigore ac felicitate agendi prorsus mirabili, & ea propter militibus admodum carus, ut præeuntem eum sequi ejusque nutui parere quasi certarent. Eo enim præsente ac salvo se vietas nunquam daturos manus opinabantur; confirmavitque eos in illa persvassione proelium Eboracen-
se, in quo inferiores omnino discessissent qui eum sequebatur, vulnerato in primo conflictu Cromvello nisi ipse, obligato vulnere, suis, terga hosti dantibus occurrisset, sumum copiarum præfectum,

Comitem de Manchester ad manus re-
duxisset, militem dispersum collegisset
& pugnam renovasset. Quocirca a mi-
litibus ut pater & dux A DEO DA-
TUS colebatur, quasi victoria adver-
sus Scotos, Hibernos & quotquot a regis
steterunt partibus arma perpetuo gessis-
set. Sed ut militantium nec studium,
nec indignatio moderata est: ita pro-
fusa illa benevolentia, qua Cromvellum
amplectebantur, suis cancellis circum-
scripta non mansit; quippe, cum cit-
atus, se se coram Parlamento sisteret, i-
psum armis cincti, ad fores usque, instar
satellitum comitati sunt milites, sua o-
pera haud dubie impedituri, ne, quod
suspicabantur, imperium ipsi eripere-
tur vel caussæ alicujus reus ageretur.
Igitur ut militibus vicissim gratificare-
tur Ol. Cromvellus, per generum suum
Iretonium, qui membrum Parlamenti
erat, deinceps egit, ut quælibet cohors
per totum exercitum suum haberet
procuratorem, qui sigillatim suæ co-
hortis

hortis curam ageret, & singuli conju-
ctim Cameram, seu Concilium consti-
tuerent. Hac instituta camera suam
penes exercitum exsurgere fecit poten-
tiam, quo melius exauctorare pro lubi-
tu atque acta rescindere posset Parla-
menti, penes quod, his artibus, umbra
tantum pristinæ auctoritatis relicta fuit.
Cujus rei evidentissimum in primis do-
cumentum edidit cum Parliamentum ad
novas pacis conditiones Regi ferendas
consiliū iniisset & ipse, militū insolentia
fretus non tantum impediret institu-
tum illud, verum Regem etiam e mani-
bus Parliamenti ereptum hominibus,
suis partibus addictis custodiendum af-
sereret. Quo facto ipsi neque difficile
erat, absolutum totius reipublicæ im-
perium adipisci, cum, nutu ejus, jura
majestatis tantum non omnia admini-
strabantur. Verum ut vulpinam suam
astutiam modestiæ specie tegeret & le-
gitimo titulo capeſſere videretur, illud,
quod abhinc aliquot annos exercuerat,

im-

imperium sibi offerri curat, oblatumque primum quidem recusat mox autem, seposito regio, sub ficto Protectoris nomine recipit, & regia pompa inauguratur. Ad protectoratum electus, armis ulterius dominatum suū stabilire conatus est. Ideoque mucrones quibus antea cives appetebantur, jam in exterorum ora convertit, priūm Batavos infestando, & his viciis ac ad pacem compulsis, piratis, Hispanisque Americanis bellum movendo, ne sineret bellicosam Anglorum gentem otio torpescere & seditiones in ipsius caput ciere. Sic maximas semper moliendo res, ansam & locum sui oppugnandi civibus præripuit & singulorum animos suspensos atque rerum eventu occupatos, magistro Machiavello, detinuit.

Mach. Princ. pag. 22. 37. 58. 72. 91.

§. XIII.

Militarem Ol. Cromvelli perlustravimus curam, jam ad religionem progedimur, quæ inter vincula societatis humanæ firmissimum communiter haberi

solet; ideoque propugnaculum magistratus, basis omnis regiminis ac fundementum legislationis a Platone & Plutarcho nuncupari meretur (a). Hanc quo magis sartam tectamque servare student principes boni publici amantes, tanto non ipsos se solum magis tutos præstabunt, subditos in obedientia continebunt, sed internam & externam pacem quoque firmabunt suamque felicitatem commode promovebunt. Quamdiu enim religio ex omni parte integra, salva ac illæsa permanserit, in salvo quoque civitas stabit; labante autem religione, haud raro collabascit & ipsa. Verissime igitur cecinit Palingenius: Relligio generis decus est & gloria nostri Quæ nos conciliat superis & jungit Olympo (b)

Absit per omnem modum, ut fictum ac simulatum numinis cultū intelligamus, qui ut ut temporariam quandam utilitatem cultoribus adferat, demta larva fucum ad ultimum prodit tamen: Omnia

enim ficta, ut verbis utar Ciceronis, tan-
 quam flosculi decidunt, nec quidquam
 simulatum potest esse diuturnum (c.).
 Et si homines, virtutis gravitate clari, si-
 mulationem detestentur & assentatori-
 bus graviter indignentur, quanto ægrius
 obsecro! hypocrisin feret suminus ille
 rerum ac cordium scutator, qui se nun-
 quam patitur decipi. Pessime igitur, nisi
 me omnia fallant, principem suum in-
 struxit Machiavellus, simulationem &
 dissimulationem, etiam in rebus religio-
 nem concernentibus commendando;
 cum ta men principi Christiano nihil pe-
 riculosius & magis detestandū sit, quam
 contra religionem facere quidquam, ut
 statim conservet & imperium stabiliat;
 seu, ut garrit iste impostor, “pietatem,
 „fidem & religionem semper, actioni-
 „bus licet pessimis obtendere & ita se
 „gerere, quasi eam sancte coleret, ut o-
 „mnibus fucum faciat.” Execrandam
 hanc doctrinam vix melius quisquam
 Ol. Cromvello calluit tamen, qui per to-
 tam

tam fere vitam larva pietatis DEum. fal-
 lere conatus est, quid mirum, si homines
 sefellerit. Certe maximus zelotes, ar-
 dentissimus religionis observator & pie-
 tatis cultor, licet nihil minus esset, ipsis
 facile videtur, qui facta ipsius religiosa,
 ne dicam superstitiosa, intimius non ri-
 mantur, sed externis se deludi patiuntur.
 Ab ipsa enim adolescentia religiosus vi-
 sus fuit: Nam, quo tempore Episcopa-
 lem inhiabat tiaram ejusque obtainendre
 spe tumescebat, miram praetulit sancti-
 tatem: bis ad minimum de die templum
 adiit, genibusque flexis omnium arden-
 tissime orare credebatur. “Lacryma-,,
 batur, precabatur, poenitentiam age-,,
 bat, donec sub quinta costa trajecerit,,
 alloquenter(e).,, Eleemosynam mendi-
 cantibus quoque large distribuit, addita
 saepe hac admonitione: “Pro Regis &,,
 reipublicæ salute DEUM precamini.,
 Nec, postquam in turbida discordiarum
 aqua piscari coepisset, ulla res tantilli
 erat mōmenti, quin eam a nominis di-

vini invocatione ordiretur; belle quidem hoc, si stygius anguis in herba non latuisset. Neminem nisi sacris Protestantium addictum, in numerum militum adscivit. Mane & vesperi in castris preces Deo offerendas curavit. Librum precatiōnis in usum militum ipse confecit, & peculiarem militibus Catechesmum, ejus quoque cura impressum, commendavit. Si militi ipsum adire contigerit, rationem redderet religionis suae. Cives & commilitones ad jejunia, publicas preces ac feriam pœnitentiam toties, verbis non minus, quam proprio exemplo exhortatus est, quoties vel cum adversariis configendum, vel super re gravi aliquod consilium capiendum esset. Ubi nec oblivioni tradendum, quod Hullæ sacerdotis æque ac militis munus obiit, obsessos exhortando & prophetæ instar divinam ipsis promittendo opem, quoniam pro religione & libertate dimicandum esset. In Midlersexia cum certi convenissent delegati, qui pace ac concordia

dia inter Regem & Parliamentum sancita, tumultibus fine imponere curarent; Cromvellus, qui etiam legatione fungebatur, monuit, ne quidquam prius deliberarent, quam summi omnium Moderatoris auxilium ac gratiam implorassent. Admiratione vero dignissimum quod licet tot adessent Sacrorum ministri, consilii cuius auctor fuerat, ipse nihilominus executor extiterit. Speciosa hæc omnia sunt, sed larva detracta foeter impietas, uti mox constabit. Ab eo tempore, quo in Anglorum manus a Scotis, certa pecuniæ numerata summa, traditus est infelix Rex & a lævissima gente non ut Rex, sed ut percussor veneficus a carcere in carcerem traductus fuit; protector ille parricida, qui ad eas miseriarum angustias redacti Regis sanguinem, quasi optimum suæ provehendæ ambitioni medicamen, sitiit, de pessima caussa diffusus, sanguinolenta cogitata velamine pietatis involvere tum maxime quæsivit. Noverat enim populum Regi, ob religio-

nis, quam tentavit, mutationem, maxime infensum esse. Hinc certos judices, seu commissarios suæ factionis, qui, an reus vel insons accusati & objecti criminis esset Rex, examinarent, ipso Christi natalitio eligendos festinavit, simulans ea, quæ DEum & religionem concerne- rent, negotia ferias ignorare, & liberta- tem patriæ una cum religione pluris faci- endam, quam superstitionem; ita enim ipsi audit sacratissimum hoc festum. Hoc regii sangvinis tribunali instituto, diem 9. Jan. 1649. solennem per totum re- gnum precibus destinavit. Quo die & i- psuī singularem devotionē ostendisse, & mendicis, uti credibile, ad magnam multitudinem subordinatis, plus quā 500 Thaleros imperiales erogasse narrant. Idem quoque 26 ejusdem mensis & anni die fecisse legimus. Hæcce machinatus est noster sine exemplo Politicus, ut popu- lo persvaderet Regem propter gloriam DEI & salutem publicam morte plecten- dum esse: Lataque deum atque publi-

cata iniqua iniquissimorum judicium
sententia, Rex die 30 Jan, non sine hor-
tore exterorum principum, & pene to-
tius orbis stupore securi percutitur. Quan-
tillum vero religionem & pietatem fe-
cerit Cromvellus, testatur inter alia Mu-
sarum sedes, ubi olim ipse juvenis literis
operam dedisset, Cantabrigia, quā fun-
ditus delevit, cujus omnia sacra contu-
meliōse habuit, ex divisorū ornamentiſ
partim e quorū tegumenta faciens, par-
tim militibus collaria turpiter disper-
tiens. Sacraria in stabula commutavit,
ut cetera taceam, quæ fidem prorsus su-
perant, ubi aræ steterant, loca, in huma-
narum sordium receptacula convertit.
Horrendæ blasphemiae : quæ larvatum
hunc hominem conscientiam & religio-
nem ludibrii instar habuisse nos dubita-
re non sinunt.

- (a) Apud Grot. de jure belli & pacis p. 340.
(b) Lib. VII. (c) Lib. II. Offic. Cap. XII.
p. 175. (d) Mach. Princ. p. 71. 72.
(e) Jägers Histor. Eccl. & Civ. Lib. IX. Cap. 5.
Tom. I. p. 763.

Verum uti duarum præcipue in Anglia sectarum meminimus, operæ fortassis pretium erit inquirere, cuinam harum deditus ipse fuerit profanus impostor. Certe odium acerbissimum, quo in regem Carolum & ejus clientes, puta Episcopales ferebatur, Puritanismo addictum fuisse satis superque arguit, & demum impia Puritanorum ope fundamenta jecisse tyrannidis suæ. Nihilominus, ut vir sinceræ pietatis haberetur & majorem sibi compararet famam, pro capite (a) ac patrono novæ è Puritanorum schola prorepentis sectæ, Independentium nempe, se se venditavit, qui in paucis a Presbyterianis alias differunt. Fuit alioquin Independētium secta commune sectariorum asylum & receptaculum, ubi in Anglia se se abscondiderunt Anabaptistæ, Antinomi, Antiscripturarii, Qvakeri, Ranteri, Levellerii & ejus modi aliorum perditissimorum hominū colluvies(b), qvorū circa dogmata dissen-

dissensiones in suam utilitatem optime
converte novit Ol. Cromwellus, qui ce-
teroquin factioes , inimicitias & dissi-
dia inter cives alere ac fovere callide sci-
vit, quoties opportuna daretur occasio ;
ut, vel oppressis inimicis, famam nomi-
nis sui augeret , vel dissociatis partium
animis, ipse palmam reportaret, & tertius
quasi interveniens tela in se invicem vi-
brantibus servitutis suæ herile impone-
ret jugū(c). Est hæc doctrina Machiavelli,
erat hoc primarium politicæ Cromwelli-
anæ principium: Proinde quamcunque
sectam suo gaudere sensu , suoque mo-
do sacra peragere permisit, ut diviso in
varias sectas populo, omnis coëundi & in
eum conjurandi facultas præriperetur.
Et quid dicam de plurimis libris, quos,
ut amarulenta Eridis poma, dissidii , vel
excitandi, vel fovendi caufsa clam vul-
garat. Sufficit duorum saltæ memi-
nisse , Samariæ Anglicanæ & Prothei
Puritani: Libri, qui Vulcano consecren-
tur certe dignissimi. In Samaria sua An-

glicana cives in Regem, quem impio Israëlitarum Achabo assimilat, concitare laborat. In Protheo aliam rursus, & plane dissonam inflat tibiam, perjurii insimulando quotquot se Regis auctoritati & Ecclesiæ Anglicanæ opponere auderent: merito id quidem, sed utinam ex animo. Sed quis non videt retia funesta Regi tendi, alterutro isto scripto. Dum certo certius sibi persuadere posset Puritanos & Parliamentarios hoc scriptum indigne laturos & in Regem gravissime exacerbatum iri, cum non nisi a Regis cliente evulgatum suspicari possent. Exempla plura adducere opus non est, cum satis constet Ol. Cromvellum, hominem, Prothei instar, versatilis ingenii fuisse & pro sua, quam unice quæsivit, privata utilitate cuicunque sectæ adhæsse.

(a) Inde Rex Independentium quoque audit apud Jägerum Hist. Eccl. & Civ. Lib. IX. 5. Tom. I. pag. 763. (b) Hist. Goth. p. (c) Mach. Pr. p. 88.

§. XV.

Qyamobrem dominatum suum non
bene

51

benevolentia & amore, sed metu civium
quoque muniendum ivit. Cumque sibi
ut Machiavellico principi h. e. Tyranno
utilius duceret metui, quam amari, ideo
neque, nisi deleta legitimi principis stir-
pe, & imperfectis proceribus a cædibus &
sangvine abstinuit. En genuinam caus-
sam funestissimæ Caroli cædis! Horret a-
nimus cogitatione rei! Carolus Stuartus
modo tanti Regni Princeps, ut maleficus,
libertatis & Religionis hostis regnique
proditor vita privatur, ut locus esset
parricidæ Ol. Cromvello thronum ad-
scendendi & imperium injustissimum in-
sontis Regis sangvine stabiendi. Quid?
quod percussorem in caput principis hæ-
reditarii Caroli II. decollati Regis pri-
mogeniti Filii emere & exteras potesta-
tes in perniciem ejus sollicitare summo
studio annitebatur. Catalogum proce-
rum ac nobilium vi & fraude ipsius inter-
emtorum dare non vacat: Historias adi-
sis & dellocatos vide Hamiltonios, Mon-
trosios, Episcopos, Barones, Comites,

plurimos alios. Et quidni lupina ista crudelitate civibus terrorēm incuteret, cum exercitum circiter 25000 armatorum ex gente Anglorum & 1000 ex Scotis in illius esse potestate conspicerent, qui militares animos, nervorum instar, quo vellet, flectere optime calluit. Verum prout omnis ille, qui metu civium, imperium suum stabilire vult, alios etiam metuat necesse est: Sic ille cum privilegio proditor (a) formido losus civibus, cives vehementer reformidabat, ita ut omnē curam adhiberet, ne venenoso cibo, potu vel amictu perimeretur. Hinc quindecim domi suæ cubilia pariter adornari curavit, & ne ulli, ne quidem uxori notum esset, in quonam horum pernoctaret, callide effecit (b). Commune omnium Tyrannorum malum & vitæ flagitiosæ asylum: Nempe conscientia obstrepente, qvum dormire non possunt scelerati, agitant eos furia, non cogitato modo, sed imprimis consummato parricidio (c).

(a) Jägers Histor. Eccl. & Civ. Lib. IX. Cap. 5. Tom. I.

p. 763. (b) Les Avantures de Telemaque p. 48.

(c) Curt. Lib. VI. p. 10.

Superest, ut breviter disquiramus:
Annon Ol. Cromvellus nihil prorsus e-
gerit in conservationem ac utilitatem rei-
publicae Anglicanae? Quod inficias adeo
absolute ire non sustinemus; cum vix ul-
lum tam flagitosum facinus sit, ex quo
non aliquid boni, saltem per accidens
proveniat. Et quidni affirmandum non-
nulla Ol. Cromvelli facinora usui fuisse
republicae, licet ipse primario ejus utili-
tatem pro scopo non habuerit? Nullaten-
nus vero tanti facienda, ut a Tyrannidis
culpa ipsum liberent, & ea, quae a Magi-
stro suo Machiavello didicit, ipsoque o-
pere exsequutus est, excuset. Ast impia via
Principem ad tyrannide m deducto, quid
consilii suggerit Machiavellus? Monet
ut Principatum bonis legibus, bonis ar-
mis, bonis amicis, bonis denique e-
xemplis decoret & corroboret (a). Quae e-
gregie Cromvellus hoc quoque exsecu-
tus sit, cuilibet obvium est: armis enim
felicem tota ferme Europa admirata est,

4
sicuti Paulo ante diximus. Hinc fœdera-
cum potentissimis Europæ principibus
pepigit, imprimis cum Svecis atque Fran-
cis, unde Angliæ haud exiguum accessit
robur. Memoratu quoque dignum est,
literas ceu ad fœderatum suum, Gl. m.
Carolum Gustavum Svethiæ Regem,
Westmonasterii die 29. Junii 1658. datas,
omnium ultimas esse, quibus, ut Prote-
ctor, suum adposuerit nomen & exteris
Principibus transmiserit. Præterea cum
leges sint quasi imperiorum fulcra, qui-
bus inniti debeant; ita neceſſe fuit Crom-
vello, mutato regiminis statu, etiam le-
ges fundamentales, vel immutare, vel
novis statutis augere, cum indole novi
principatus sui, quam olim magis conve-
nientibus. Ejusmodi sunt, inter alia
mandata, edicta & constitutiones, vel
instinctu, vel nomine ejus publicata: qui-
bus, cum Monarchico imperio, Regium
nomen proscrispsit, Liturgiam abolevit,
Ceremonias circa sacra partim innova-
vit, partim abrogavit; Usum alearum,
teſſe-

33

tesserarum & similiū, omnemque luxum
in victu & amictu severē cohibuit &c. Ut-
tique horum pleraque laudari mererent-
ur, nisi simulatorem Ol. Cromvellum
auctorem habuissent, qui vel nimiæ se-
ctandæ ambitionis, vel injustæ suæ do-
minationis fulciendæ instituto pessimos
civium mores apparenter saltem emen-
dare studuit, ut quædam etiā laudabilis
memoriæ suæ vestigia posteritati relin-
queret. Patet hoc ipsum ex illa vitæ inte-
gritate, quæ libidinosam illius, quam
antea egerat vitam, seqvuta est. Quippe
protector factus, tantum ex satietate tæ-
dium & fastidium eundem cepit illius
vitæ, ut in libidinosos, sui æmulos, ut ce-
tera omittam vitia, graviter ac læpe ca-
pitaliter animadverteret.

(a) Mach. Pr. pag. 99.

§. XVII.

Sic levi penicillo non omnia, sed pau-
ca tantumodo Ol. Cromvelli facinora
& Nic. Machiavelli dogmata tetigi. Me
vero pleraque eorum, quæ de Cromvel-
lo adduxi, Gregorio Leti, Raguenetto

Anonymo cuidam, qui in ejus gestis encleandis sudarunt, debere lubens fateor. Uberioremi selectum facere & plura persequi, utpote qua ratione belluinum, vulpis puta & leonis ingenii pro vicissitudine temporum atque rerum scite permiscuerit, a sententia semel pronuntiata nunquam passus sit semet dimoveri, nec ullo fortuito casu & eventu mutari, prout a Machiavello ista quoque & alia loge plurima documentur (a), propter tenues ingenii vires, maximam, qua urgeor, temporis angustiam & sumtus, quorum praecipua mihi ratio habenda sit, non licuit. Eapropter B. L. enixe rogatus cupimus, innoxium conatum benigna fronte aspicere, candide interpretari & nobiscum seria ad coelestia fundere vota velit, ut pro summa sua benignitate imperiorum Stator & conservator ille Summus & Justissimus protegere ac conservare dignetur regna, respublicas, civitates & omnem denique majestatem, imperatores ac patres singulaque singulorum ordinum membra a consiliis Machiavelli & artibus Cromwelli.

(a) Conf. Mach. Pr. p. 37. 70. 73. 80.